

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0065611 25
Zenica, 27.11.2025. godine

OPĆINSKOM SUDU U VISOKOM
- *Sudiji za prethodno saslušanje* -
ŽEPČE

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

K. H., neosuđivan,

što je,

dana 19.08.2025. godine, oko 12,00 sati, u V., zlostavljanjem i nasiljem prema drugom ugrozio građanski mir A. B., na način da je, nakon što je putem telefona pozvao oštećenog A. B. i upitao za dug koji ovaj ima prema njemu, pa nakon što mu je oštećeni odgovorio da bi trebao otići do banke i provjeriti da li mu je uplata iz Hrvatske „legla“ na račun, a potom oštećenog sreo u ulici G., grad V., te ga svojim pmv marke „Škoda“, crne boje, odvezao do Intesa Sanpaolo banke u ulici A. kako bi oštećeni podigao novac i platio mu prethodno dogovoreni dug, te kada je oštećeni izašao iz banke i saopštio mu da nema novčanih sredstava na računu, istom rekao da sjedne u njegovo vozilo da bi ga tada odvezao u mjesto L., grad V., u namjeri da istog fizički napadne, da bi tada dolaskom u mjesto L. zaustavio vozilo i prilikom izlaska iz vozila uzeo pvc zelenu cijev (za vodu) i istom cijevi počeo udarati više puta A. B. po glavi i tijelu, iako je znao i bio svjestan da na taj način ugrožava građanski mir A. B. i da istom može nanijeti tjelesne povrede, što je i htio, pa je na naprijed navedeni način nanio oštećenom tjelesne povrede konstatovane u Kantonalnoj bolnici Zenica,

dakle, zlostavljanjem i vršenjem nasilja prema drugom ugrozio građanski mir,

čime je počinio krivično djelo „Nasilničko ponašanje“ iz člana 362. stav 2. u vezi sa stavom 1. KZ F BiH.